



**Infurmaziuns/renviaments
per ils geniturs resp. per educaturas ed educaturs
pertutgant l'examen d'admissiun 1. classa dal gimnasi da 6 onns
a las Scolas medias grischunas**

1. Basa legala

Per l'examen d'admissiun per la 1. classa dal gimnasi da 6 onns vala la Ordinaziun davart la procedura d'admissiun a las Scolas medias grischunas (ordinaziun d'admissiun; DG 425.060). L'Ordinaziun pon ins retrair dals secretariats da las differentas scolas medias u telechargiar da l'internet. (p.ex. www.ahb.gr.ch).

2. Termin d'annunzia e data da l'examen

Il temp per l'annunzia electronica per ils examens, l'ultim termin d'annunzia sco er la data da l'examen chattais Vus online sut www.ahb.gr.ch > Rumantsch > Examens d'admissiun. L'annunzia succeda via internet (www.zap.gr.ch). La taxa d'examen munta a 100.-- frs.

Annunzias retardadas na pon betg vegin resguardadas (art. 6 al. 3 ordinaziun d'admissiun).

3. Admissiun als examens d'admissiun chantunals en la 1. classa dal gimnasi

Als examens d'admissiun chantunals vegnan be acceptads scolars e scolaras da la 6. classa da la scola primara dals quals almain in genitur è domicilià en il chantun Grischun (art. 7a al. 1 cif. 1 ordinaziun d'admissiun a las scolas medias).

4. Emprima lingua

Tenor art. 6 alinea 2 da l'Ordinaziun decleran las candidatas ed ils candidats ensemble cun las educaturas u ils educaturs (titulars da la tgira genituriyal) en l'annunzia ina da las linguas chantunalas sco lur emprima lingua, q.v.d. quella lingua en la quala els vulan far l'examen.

5. Roms d'examen

Las candidatas ed ils candidats fan l'examen d'admissiun tenor la decleraziun (cf. 4.) en

- tudestg
- Mathematik/mathematica

resp.

- rumantsch
- mathematica/Mathematik

resp.

- italiano
- mathematica/Mathematik.

6. Pretensiuns

Las pretensiuns per l'admissiun ad ina scola media grischuna èn circumscrittas pli detagliadament en las disposiziuns davart las enconuschentschas preliminaras (Bestimmungen über die Vorkenntnisse). Quellas pon ins retrair dals secretariats da las singulas scolas medias u telechargiar da l'internet (p. ex. www.ahb.gr.ch). Infurmaziuns correspondentes dattan era magistras e magisters da la scola populara, sco era las singulas scolas medias.

7. Criteris d'admissiun

Tenor art. 22 al. 1 cif. 1 da l'ordinaziun d'admissiun ston ins cuntanscher ina media da 4.5 a l'examen per reussir a l'examen d'admissiun en l'emprima classa dal gimnasi. Ultra da quai na dastgan las notas dals roms d'examen betg divergiar da la nota quatter per pli che 0.75 puncs da nota engiu.

L'emprima classa na po betg vegrir repetida. Tgi che n'ademplescha betg las determinaziuns da promozion, sto midar en scola secundara (art. 24 al. 2 ordinaziun d'admissiun a las scolas medias). Ulteriurs detagls latiers chattais Vus sin la pagina d'internet www.mittelschulen.gr.ch.

8. Nota d'admissiun

Las candidatas ed ils candidats che fan l'examen d'admissiun suenter (senza in onn da scola intermediar u supplementar) la 6. classa primara d'ina scola che suttastat al champ d'applicaziun da la lescha davart las scolas popularas dal chantun Grischun, han il dretg d'ina nota d'admissiun. Tut las autres candidatas e candidats na pon betg far valair quest dretg (art. 15 al. 1 cif. 1 da l'ordinaziun d'admissiun).

La nota d'admissiun vegn calculada tenor da l'ordinaziun d'admissiun (art. 16 al. 1 ed 2).

La nota d'admissiun a la 1. classa gimnasiala vegn calculada a maun da l'emprim attestat da semester da la 6. classa primara sco media arrundada sin duas cifras suenter il punct da las notas dals roms: emprima lingua; segunda lingua; englais; aritmetica e geometria; natira, uman e societad; art figurativ; chant e musica; moviment e sport; medias ed informatica. Sco segunda lingua vala per scolaras e scolars da scolas u da classas bilinguas ina da las duas linguas chantunadas che vegrin duvradas sco lingua d'instrucziun.

9. Cumpensaziun dals dischavantatgs

Per la validaziun d'ina cumpensaziun dals dischavantatgs vegn renvià a la disposiziun da l'Uffizi per la furmaziun medi-superiura dal 1. da fanadur 2024 pertutgant il relasch da las directivas da la cumpensaziun dals dischavantatgs tar ils examens d'admissiun en ina scola media grischuna (www.mittelschulen.gr.ch →documentazione →leggi e ordinanze).

10. Cumportament en cas d'impediments e da malsogna

- Sch'ina candidata u in candidat ha problems da sanadad u ha impediments, èsi da communitgar quai a la direcziun dal lieu d'examen sco era al secretariat per l'examen (Grabenstrasse 1, 7001 Cuira; support@zap.gr.ch), cun agiuntar in attest dal medi sche pussaivel a medem temp cun l'annunzia, il pli tard però **avant** l'examen.
- Las candidatas ed ils candidats che na pon betg far l'examen causa da problems da sanadad imprevis u d'in accident, han da communitgar quai a la direcziun dal lieu d'examen sco era al secretariat per l'examen (Grabenstrasse 1, 7001 Cuira;

support@zap.gr.ch) il pli spert pussaivel, il pli tard dentant **avant** l'examen e mussar in attestat dal medi.

- Las candidatas ed ils candidats che **durant** l'examen na pon betg al canticuar causa da problems da sanadad imprevis u d'in accident han d'annunziar quai immediatamain a la direcziun dal lieu d'examen e purtar **il medem di anc** in attestat dal medi. A medem temp sto vegnir orientà era il secretariat per l'examen (Grabenstrasse 1, 7001 Cuira; support@zap.gr.ch).
- Problems da sanadad u impediments che vegnan fatgs valair memia tard resp. posteriuramain na pon betg vegnir resguardads. Cuntunt las candidatas ed ils candidats che fan l'examen savend da lur periclitaziun da sanadad u impediments, n'hant nagin dretg d'ina annullazion resp. d'ina repetiziun da l'examen.

11. Examens supplementars

Resguardond las disposiziuns menziunadas sura (guarda cif.10) decida la gruppera directiva examens d'admissiun davart l'admissiun a l'examen supplementar e davart la dimensiun dal tal.

Ils examens supplementars han lieu a la scola media chantunala situada a Cuira. La data da l'examen chattais Vus online sut www.ahb.gr.ch > Rumantsch > Examens d'admissiun.

12. Meds auxiliars e material

En il rom d'examen emprima lingua n`èn lubids nagins meds auxiliars. L'utilisaziun da marcaders, da la lingera e dal geotriangul è lubida.

En il rom d'examen matematica, 1. part, pon vegnir duvrads il circul, il geotriangul ed ina lingera.

Ils examen ston vegnir scrits cun **culli blau u nair** u cun **tinta blaua u naira**. Fieuters da pilot n`èn betg lubids.

Tut ils pensums èn da schliar directamain sin ils documents d'examen.

Tar ils examens èsi scumandà da duvrar meds auxiliars che n`èn betg lubids expressivamain (p. ex. calculaders da tastga, vocabularis d'ina u duas linguas, vocabularis electronics, telefonins u smartwatches).

A l'examen emprima lingua è il suandard da prender cun sai:

- stilograf u culli (blau u nair)
- L'utilisaziun da marcaders, da la lingera e dal geotriangul è lubida.

A l'examen da matematica, 1. part, è il suandard da prender cun sai:

- stilograf u culli (blau u nair)
- rispli (pensums da construcziun vegnan fatgs cun rispli), gumma, gizzarisplis, colur verda (per marcar schliaziuns en ils pensums da geometria), circul, geotriangul ed lingera.

A l'examen da matematica, 2. part, è il suandard da prender cun sai:

- Nagut. Ins dastga be duvrar il culli che vegn mess a disposiziun.

Ils candidats ston s'identifitgar tar ils examens d'admissiun entras in palpiri d'identitat valaivel. (carta d'identitat, pass u legitimaziun d'esters).

13. Exclusiun da l'examen

Sch'ins fa diever da meds auxiliars nunlubids, sco era sch'ins sa deporta illojalmain vegn ins exclus da l'examen d'admissiun. Sche in candidat u candidata ha gia fatg ina part dals examens na vegnan quellas betg valitadas e l'examen vegn considerà sco betg reussì.

14. Communicaziun da la decisiun da l'examen

Tenor art. 14 da l'Ordinaziun davart ils examens d'admissiun succeda la communicaziun davart il resultat da l'examen a las candidatas ed als candidats en scrit ed exclusivamain da la grappa directiva examens d'admissiun. La communicaziun vegn fatga per posta A, cun resalva d'incaps betg previsibels, il di ch'è inditgà sin la pagina d'internet da l'Uffizi per la furmaziun media-superiura (www.ahb.gr.ch > Rumantsch > Examens d'admissiun). Il medem di a partir da las 18.00 san ins prender invista online al resultat da l'examen sin www.zap.gr.ch. Per l'invista online vegnan duvradas las datas d'access che vegnan utilisadas per l'annunzia electronica da l'examen (vossa addresa dad e-mail ed il pled-clav).

15. Uras, telefonins ed auters apparats electronics

Telefonins ed auters apparats electronics ston vegnir mess ord funcziun durant ils examens d'admissiun e ston vegnir deponids en la bagascha. Uras ston era esser deponidas en la bagascha. En las stanzas d'examen hai uras.

16. Ulteriuras infurmaziuns

Ulteriuras infurmaziuns davart ils examens d'admissiun dattan las singulas scolas medias grischunas u il secretariat da la grappa directiva examens d'admissiun (Grabenstrasse 1, 7001 Cuira, tel. 081 257 61 70 u 081 257 61 69).

Adressas da website dals uffizis respectivs chantunals:

Uffizi per la furmaziun media-superiura	http://www.ahb.gr.ch
Uffizi per la scola populara ed il sport	http://www.av.s.gr.ch

Adressas da website da las scolas medias grischunas:

Academia Engiadina Samedan	http://www.academia-engiadina.ch
Scola media chantunala a Cuira	http://www.bks-campus.ch
Scola media evangelica Schiers	http://www.ems-schiers.ch
Institut Otaipin Ftan	http://www.hif.ch
Scola claustral Mustér	http://www.kloster-disentis.ch
Lyceum Alpinum Zuoz	http://www.lyceum-alpinum.ch
Scola media svizra alpina Tavau	http://www.samd.ch